

Maturanari aurkezteko plana onetsi zuen Gasteizko Udalak

L.K.G. / GASTEIZ



Gasteizko Udaleko go-bernu batzordeak onetsi egin zuen atzo Jose Antonio Maturana Eusko Jaurlaritzako Hirigintza eta Etxebizitza sailburuari datorren astean aurkeztuko dioten plangintza. Aurten urterako pentsatutako egitasmoa da, Jose Angel Cuenda Gasteizko alkatearen esanetan, «kalitate handiko eta mota ezberdinetako 635 etxebizitza aurten hasiko ditugula bermatzen duena».

Cuerdak zehaztu zuenez, Udaleko gobernu taldean dauden «sozialisten oniritzia sutua jaso dugu», eta horrez gero, Maturanari aurkeztu eta Jaurlaritzako sailak zein neurritan finantzatu duen argitzea da falta den bakarra. Iragan astean sailburua eta alkatearen arteko bileran Maturanak proposatutakoari egindako «udal erantzuna» da atzo Cuendak jakin erazi zuena.

HIRU MOTATAKO ETXEBIZITZAK

Hiru motakoak direla esan zuen 635 etxebizitza. Lehenik, Udalak eta Jaurlaritzak batera Alde Zaharrean bultzatuko dituztenak. Promozio publikoko 67 etxe izango dira.

Duela urte batzuetako akordioaren ondorioa da.

Bigarrenik, Udalaren ekimenez eraikiko dituztenak 214 izango dira orotara. Hauetako 114k —Lakuako 32-N poligonoan— azkeneko prezioa tasaturik izango dute eta Cuendaren hitzetan «merkatukoak baino 3 milioi bat pezetara merkeagoak» izango dira. Urtean 2 milioi pezetatik (100.000 libera) 5 milioi pezetara bitartean irabazten dutenei zuzendurik daude etxebizitza hauek. Gasteizen 10 urtez bizitzea eskatuko zaie hartzaileei eta Udalak «zozketaz» emango ditu.

Horietaz gain, azken prezioa tasaturik duten beste 100 etxe gehiago bultzatuko ditu Udalak Lakuako 1 sektorean. Salneurria tasaturik dutenetan «nobedadea» jarriko dute martxan, obrak hasiko direnean ematea alegia.

Hirugarrenik, Jaurlaritzak bultzatu beharrekoak azaldu zituen Cuendak. Lakuako 32-N poligonoko promozio publikoko 84 eta promozio kontzertatuko 174 etxe izango dira. «Jaurlaritzari emango dizkiogu eta zozketaz ere eskaintzea eskatuko diogu, erre-zeloak eta bitartekariak medio askotan etxeak garestitzen diren % 3 hori ekiditeko gogoz», deklaratu zuen alkateak.

Buesak Hezkuntza Sailarekin lortutako akordioa hautsi duela diote ikastolek

Beren ustez, gurasoek zati bat finantzatzen segitu beharko dute

Ikastolen Elkarte Profesionalak bere kezka azaldu zuen atzo, Inaxio Oliveri aurreko Hezkuntza kontseilariarekin lortutako finantzazio akordioak bete gabe utz ditzakeelako Fernando Buesa Hezkuntza kontseilariak. Euskal Legebiltzarrean aldaketak izan aurretik, joan den irailaren 10ean akordio bat sinatu zuten Hezkuntza Sailak eta Ikastolen Elkarteak.

DONOSTIA

Akordioaren bidez zenbait konpromezu zehaztu ziren eta Euskal Autonomi Elkarteak ikastoletako gerenteei adierazi zuten, «Buesak ez ditu akordio horiek bete nahi». Ikastolen «gainfinantzaketa» dela eta, egun Hezkuntza kontseilariak guztia «etengabe aldrebestu» eiten duela salatu zuten ikastoletako gerenteei. Ikastolak «gainfinantzaketa» daudela gezurtatu egin zuten, gainontzeko ikastetxe publiko transferituen kostuen gaintik daudela ere gezurra dela zehaztu zuten. «1991. urteko Ikastoletako Hitzarmen Finantzarioen likidaziorako beharrezkoa zen dokumentazio guztia aurkeztu genuen» azaldu zuten. Era berean, gerenteei atzo plazaratu zituzten joan den urtarrilaren 30ean osatutako ikastolen finantzaketari buruzko datuak.

Datuon arabera, iaz ikastolen aurrekontua 16.000 milioi pezetakoa izan zen, hau da, ikasle bakoitzeko 273.000 pezeta zituzten ikastolek. Gerenteen hitzetan, Hezkuntza Saila 15.500 milioi pezeta emateko prest agertu zen, ikasle bakoitzeko 262.000 pezeta hain zuzen.


Ikastolen Elkarte Profesionalak esan zuenez, ikastetxe publikoek iaz jasotako dirulaguntza 63.000 milioi pezeta baino gehiago izan zen, «ikasle bakoitzeko 320.000 pezeta beraz» gehitu zuen.

GURASOEN FINANTZAZIOARI ESKER

Hori ikusirik Ikastolen Elkarte Profesionalak gezurtatu egin zuen ikastolak «gainfinantzaturik» daudela. «Transferitutako ikastetxe publi-



Ikastolen arabera, gezurra da ikastolak «gainfinantzaketa» daudetik. X. SIVALL



Fernando Buesa.

OLALDE

koek baino gutxiago jasotzen dugu ikastolek eta Administrazioak bere zentruetan gastatzen duena baino diru publiko gutxiago gastatzen dugu» zehaztu zuten. Ikasle bakoitzeko 58.000 pezeta gutxiago gastatzen dute ikastolek beraz.

Fernando Buesa Hezkuntza kontseilariak aipatzen duen «gainfinantzaketa hori gezurra dela erakusten du guzti honek» Ikastolen Elkarte Profesionalaren aburuz. Ez hori bakarrik, ordea, «Hezkuntza Sailak ikastetxe publikoekin erabiltzen dituen irizpide berberak ikastolekin erabiliko balitu, ikasleen gurasoek ez lukete gastuen zati bat beraien poltsikotik ordaindu beharko» bere ustez. Oraingoz behintzat, gurasoek zati hori ordaintzen segitu beharko

✓ Ikastolei 15.500 milioi pezeta emateko prest agertu zen Hezkuntza Saila iaz, ikasle bakoitzeko 262.000 pezeta hain zuzen.

Ikastetxe publikoek iaz jasotako diru laguntza 63.000 milioi pezeta baino gehiagokoa izan zen, ordea, ikasle bakoitzeko 320.000 pezeta bera.

duela argitu zuen Ikastolen Elkarte Profesionalak.

Beraiek azaldu zuten, 1991. urteko irailean egindako akordioa beteko zuen itxaropenarekin landu zituzten finantzaketari buruzko datuak, «abenduan eginiko bileran, ordea, Buesak konpromezu horiek betetzeko asmorik ez duela ikusi genuen» ziurtatu zuten. 1991. urtea amaitu aurretik beste bilera bat egingo zutela esan zuten Buesak, baina, «berau ez da egin, bere hitza berriro jan du» eritzi zuten.

Ikastoletako gerenteei dei bat egin zioten Fernando Buesa Hezkuntza kontseilariari, «negoziaketei berriro ekin eta bi aldeentzako onuragarria lizatzeko akordiora iritsi asmoz».



LASARTEKO Zumaburu ikastetxeko haurrak izan genituen bisitan atzo EGUNKARIAN.

Laugarren ikasturteko ikasleak, argazkia ateratzerakoan nahiko txintxo portatu baziren ere, bihurri aurpegia zuten ANDER GILLENAREN argazkian ikus daitekeen bezala. Erredakziora lotsa aurpegia zutela sartu ziren, baina behin barruan barrezka eta algarez ibili ziren barruko funtzionamenduaren argibideak entzuten zituzten bitartean.

ERABILITAKO ZURE AUTOA ZERNAHITARAKO PRESTATUA

Bigarren eskuko autoa erosi aurretik, zatoz eta ikus ezazu gure eskaintza.

LAN-ORDUTEGIA:
Salmenta Saila:
10,30 h. - 19,30 h.
Larunbata 10,30 h. - 13 h.

Sail Teknikoa:
8,30 h. - 19,30 h.
(Etenik gabeko lanaldia).

OPEL

Eldiak

B.º Mallabiena, 4
IURRETA (BIZKAIA)
Telefona: 94-681 67 66
Faxa: 94-681 39 66
Bilbo-Behobia autoestrata
Sarreran, 17. Irteeran (DURANGO)



KONTZESIONARIO OFIZIALAK ESPERIENTZIAZ ONENAK